

Íþróttabandalag Reykjavíkur
Engjavegi 6
104 Reykjavík
jona@ibr.is

Reykjavík 10. apríl 2018
UST201804-076/P.B.S.
09.07.01

Efni: Umsókn um framkvæmdarleyfi - Laugavegshlaup - Friðland að Fjallabaki

Vísað er til erindis Íþróttabandalags Reykjavíkur dags. 6. apríl 2018 þar sem óskað er eftir leyfi Umhverfisstofnunar til að halda Laugavegshlaup, hlaupaviðburð kenndan við Laugaveg eða gönguleiðina á milli Landmannalauga innan Friðlands að Fjallabaki og Húsadals á Þórsmörk, laugardaginn 14. júlí nk. frá kl: 8:00-18:00.

Lýsing framkvæmdar:

Samkvæmt erindinu hefur Íþróttabandalag Reykjavíkur undanfarin 20 ár gengist fyrir áðurnefndum hlaupaviðburði. Áætlaður fjöldi þáttakenda er allt að 500 manns og starfsfólk um 50 talsins. Sérstök áhersla verður lögð á öryggi og að keppendur gangi vel um og hendi ekki rusli á leiðinni. Allir þáttakendur verða upplýstir um umgengnisreglur á Laugaveginum sem eru m.a. þær að fara eftir merktri leið FÍ, að henda engu rusli á leiðinni og bera með sér eigið rusl. Þáttakendur munu skrifa undir skjal þess efnis að þeir hafi lesið reglur og skipulag og ætli að fara eftir þeim. Reglur hlaupsins eru á vefsíðunni marathon.is/laugavegur.

Áhrifamat:

Friðland að Fjallabaki er friðlýst sbr. auglýsingu í Stjórnartíðindum B nr. 354/1979. Umferð gangandi fólks er heimil um svæðið, enda fylgi það merktum stígum í Landmannalaugum og annars staðar þar sem við á og gengið sé snyrtilega um svæðið. Friðlandið er á rauðum lista vegna mikils ágangs ferðamanna á náttúru svæðisins.

Umhverfisstofnun telur litlar líkur á að framkvæmd hlaupsins muni valda spjöllum á friðlýstum náttúruminum, og að rask verði minniháttar ef farið verður að þeim skilyrðum sem sett eru í leyfi þessu. Telur stofnunin því litlar líkur á að hlaupið muni hafa áhrif á verndargildi Friðlands að Fjallabaki. Umhverfisstofnun heimilar því fyrir sitt leyti, sbr. 5. tl. reglna um friðlandið í auglýsingu nr. 354/1979, að Laugavegshlaupið með þáttakendum allt að 500 manns verði haldið árið 2018 með eftirfarandi skilyrðum:

Skilyrði

1. Stjórnendur hlaupsins skili til Umhverfisstofnunar, a.m.k. viku áður en hlaup hefst, áætlun um það hvernig staðið verði að framkvæmd hlaupsins. Í áætluninni skal m.a. koma fram, fjöldi þáttakenda og hvernig staðið verði að frágangi að hlaupi loknu.
2. Stjórnendur hlaupsins gefi sig fram við landverði svæðisins og upplýsi þá um upphaf hlaupsins og lok þess. Sérfræðingur friðlandsins er Hákon Asgeirsson.

3. Stjórnendur tryggi að við þjónustu vegna hlaupsins verði ekki ekið utan vega; að eingöngu verði ekið á merktum vegum.
4. Stjórnendur tryggi að þátttakendur og starfsmenn hlaupsins leggi ekki bílum sínum utan bílastæða. Í lýsingu á framkvæmd hlaupsins, sjá lið 1, skal koma fram hvernig þátttakendur og starfsmenn hlaupsins komast á staðinn.

Umhverfisstofnun telur brýnt að verði bæði þátttakendum og starfsmönnum ekið í Landmannalaugar í rútum og sóttir á rútum í Þórsmörk til að draga úr álagi á svæðin.

5. Þátttakendur og starfsmenn hlaupsins haldi sig á gönguleið alla leið frá upphafsstöð að endastöð hlaupsins. Stjórnendur hlaupsins skulu upplýsa þátttakendur um mikilvægi þess að halda sig á gönguleiðum til að koma í veg fyrir rask á viðkvæmum gróðri meðfram Laugavegi. Gönguleiðin Laugavegur kann að vera strjált stikuð að hluta og því skulu aðstandendur hlaupsins sjá til þess að merkingar verði bættar á þeim svæðum þar sem gönguleiðin er ógreinileg til að fyrirbyggja að fólk hlaupi til hliðar við gönguleið með tilheyrandi raski og jafnvel myndun hliðarstíga.


Brýnast er að passa vel upp á framangreint og merkja leiðina vel á viðkvæmum svæðum á borð við mosa- eða lyngmóa og votlendi, á hverasvæðinu suður af Hrafninnuskeri og niður Jökultungur. Eins er mikilvægt að staðkunnugir starfsmenn hlaupsins beini þátttakendum inn á gönguleiðina þar sem þörf krefur.

6. Áningarstaðir á leiðinni, drykkjarstöðvar, verði áfram á malarplani við skála þar sem ekki er hætt á að svæði með viðkvæmum gróðri raskist.
7. Aðstandendur hlaupsins tryggi að ekki verði skilið eftir neitt rusl á víðavangi, hvorki á/við gönguleiðir, á áningarstöðum, né á upphafs- og endastöð. Einnig að tryggt verði að merkingar sem notaðar verða til að merkja hlaupaleiðina verði fjarlægðar strax að hlaupi loknu.
8. Farið verði eftir lýsingu framkvæmdaaðila eins fram kemur í umsókn framkvæmdaaðila. Umhverfisstofnun óskar eftir því að verða upplýst ef einhverjar breytingar verði á.

Leyfisgjald

Umhverfisstofnun innheimtir gjald vegna vinnslu og afgreiðslu umsóknar um leyfi framkvæmda og vegna starfsemi þar sem hætt er á að spillt verði friðlýstum náttúruminum sbr. auglýsingar og reglugerðir um friðlýst svæði sbr. 2. mgr. 40. gr. í lögum um nr. 60/2013 um náttúruvernd. Gjaldið er 39.400 krónur.

Virðingarfyllst



Sigrún Agústs dóttir
Sviðsstjóri



Hákon Asgeirsson
Sérfræðingur